

三怡堂叢書

如夢錄

三

世

子

世

子

一

一

一

一

民國十年冬月

如夢錄

武玉潤題

河南省
立圖書
館重刊

如夢錄序

是書名如夢錄蓋仿東京夢華錄而作予物色三十年不可得今年秋晤裴君春橋始獲見之聞向無刻本亦不詳作者爲誰何俗以爲吾汴李熙亮先生著卽著守汴日志者殆傳言之悞也按守汴志序李君避亂金陵病革時始口授其子以成書而是錄關廂紀云大劫已過今又復興略有起色恐後人不知舊京之繁華故略錄之是是錄之成其在熙亮先生歿後也可知又按守汴志稱闖賊於崇禎十四年二月

十二日抵汴梁是錄則云二月十三日守汴志稱闖
賊二次攻汴於壬午正月十五日解圍南遁是錄則
云正月十三日閱二十日乃退守汴志稱總兵陳永
福之子守備陳德射李自成眇其左目是錄則云被
城上箭中自成左目初不言射者爲何人以此證之
其非熙亮先生作愈無可疑矣且錄中語多鄙俚類
皆委巷秕稗小說荒誕無稽爲文人學士所吐棄如
言繁塔爲龍撮去半截吹臺是一婦人首帕包土一
拋所成北關關王赴臨埠集賣泥馬相國寺大門下

金剛被咬臍郎縊死背膊上唬金剛黑夜逃出北門
諸如此類僂指難數讀之實堪捧腹知熙亮先生必
不爲此以遺後世笑柄顧其書猶有可取者如敘周
藩之宮闕官署之規模祿秩之等差試院之體制祠
廟古跡之遺址歲時風俗之禮儀皆足見一代之典
章備後人之稽考自非身在官府目所親覩又有冊
籍可憑必不能鑿空懸揣指畫詳明井井有條是又
不可以微疵遽爲廢置者春橋結念授梓慙愚徠稍
有參訂因不揣譎陋妄意筆墨於其謬悠繁蕪者節

刪之缺略未備者補增之語未著明者剖析之詞未
雅馴者潤色之意未融貫者疎通之并將原序中城
池一節摘出增爲城池紀冠於其首補原本九紀爲
十紀間有碑版石刻可資攷證者亦爲敘出至於街
市廟宇或今仍舊名或今非昔稱或無其名而其地
爲今之某處與夫一事一物遇有一知半解俱爲注
明其下庶觀之者如身歷其境不至茫無津涯望洋
而歎其他確有攷據之處卽有脫略亦姑闕疑不敢
妄增易一字未識春橋竊笑警狂與否嗚呼作者

謂如夢惡知二百年述之者更爲夢中之夢耶然予
猶惜其人之書傳其人之名不與之俱傳而此後之
咨訪皆在於不可知之數是又遺予以如夢而不能
不爲夢中之夢也夫

咸豐二年歲次壬子十有一月汴人常茂徠秋厓氏
謹序

...子十... 以... 人... 常... 效... 則...
...也... 夫...

...不... 然... 夫... 後... 子... 以... 取... 而... 不...
...人... 公... 書... 轉... 其... 人... 之... 各... 不... 與... 必... 則... 有... 其... 多... 公...

...不... 然... 夫... 後... 子... 以... 取... 而... 不...
...人... 公... 書... 轉... 其... 人... 之... 各... 不... 與... 必... 則... 有... 其... 多... 公...

原序

如夢錄所紀者汴梁鼎盛之時也恐後人未見不知有此光景而失其傳故紀之以便後人觀覽閱之者瞭然在目卽見繁華之盛也所載者城池形勝周府故基文武衙署市井貿易祠廟古蹟花園景物與夫制度典章風俗禮儀一一開載統纂一冊傳之於後儼然如見不負梁園之富厚而忘其淳樸之風景也按汴梁乃豫州之分野天地之中樞八方之衝要腹心之重地其名曰大梁曰汴州曰汴京曰汴梁歷代

更改不一可謂鞏固金湯億萬年不拔之基無如天
運循環大劫已定於崇禎十四年二月十三日闖賊
李自成攻汴西城至第六日屯兵西關孤魂壇沒梁
廟親自指揮被城上箭中左目第七日副將陳永福
殺敗闖賊第八日賊退周王疏保永福爲總兵至十
二月二十三日闖賊復至攻東城砲箭雲梯搭敵臺
創地道晝夜攻打至次年壬午正月十三日閱二十
日被傷無數不能取勝乃退去至五月初二日又至
不敢近城四面軟困河北數營兵馬不能過河無數

軍糧不能運轉時議於狼城岡

村名在城西三十里

掘河濬賊

卽有奸讒暗畫陰謀

汴爲黃水淹沒禍自接臣嚴雲京掘河始劉昌具疏力彈之見

劉昌傳載府志

假進拒敵之策實爲破城之術悞中彼奸墮

爾穀中國主郡宗箝口不言諸王上臺鄉紳隱默不語致使河伯震怒於九月十七日揚波鼓浪洪水潑天洶湧泛漲傾陷城垣居人溺死者十有八九救援不及一二叫苦連天呼救滿河如魚之游於沸鼎之中可憐數十萬無辜生靈盡葬魚腹之內終年逐月打堤幫埽費朝廷無數銀兩以防河患反開堤埽引

水灌城此何奇計良謀乎當時王宗上臺鄉紳士子肯吐一言諫阻不至有此傾城大禍嗟嗟可勝歎哉錦繡中原一旦付於東流繁華勝景於此絕矣當時省會之中豈無高明遠見之士恐不留意或致遺落無考予心不忍淪沒失傳於後是以不辭俚言纂造成册直言少文便於觀覽俾知汴梁無邊光景徒爲一場夢境因取名如夢錄傳之於後庶好古者有所考詳焉

如夢錄

目錄

城池紀第一

形勢紀第二

周藩紀第三

爵秩紀第四

官署紀第五

街市紀第六

關廂紀第七

小市紀第八

試院紀第九

節令禮儀紀第十

如夢錄

宋保蕃 鄒廷鑾 趙文琳 同校 重校

城池紀

外城曰土城周四十八里二百二十三步僅餘基址

有門不脩以土填塞備防河患

土城去今城二里餘 勢若廢隄道光二十

一年黃河決 口俱淤沒

內有甕城一座高五丈敵樓五座俱有

箭礮眼三方四正十六邪大城樓五座角樓四座星

樓二十四座俱按二十八宿佈置樣舖十座窩舖五

十四座礮樓十座週圍四千七百零二丈堞口七千

三百二十二城兵一百五十名東門名仁和門內匾

迺祥二字月城一座有門三重北南二水門以通曹

州俗呼為曹門小東門名麗景門內匾宜春二字月

城一座有門三重北南二水門以通歸德歸德古宋

地俗呼為宋門

宋門南城城堞上有刻字一云該管百戶汪隆界二地方一云該管百戶潘

勇界三地方門北城堞上亦有刻字一云該管百戶王雄界六地方一云該管百戶陳口界七地方一云

該管百戶李營界八地方俱作三行書字大尺許深四五分道光二十一年河水圍汴因拋甃護城俱折

毀南門名南薰門內匾中原勝概四字月城一座

內有嘉靖四年修河南省城五門記李夢陽撰有門左國璣書碑高八尺濶二尺八寸額已失去

四重東西二水門俗呼南門西門名大梁門內匾永

豐二字月城一座有門二重南北二水門俗呼爲西

門

西門第一重門洞內有大鐵樞一高懸門額左右長二尺餘卽古懸門舊制道光二十一年河水圍

汴後重建新門樓撤去

北門名安遠門內匾拱宸二字月城一

座有門四重東水門一座俗呼北門五處共鐵裏門

五十扇環城海濠口寬五丈底寬三丈深二丈五門

外跨濠俱有板橋俗名活吊橋曹門通蘭陽宋門通

陳留南門通尉氏通許西門通中牟北門通延津謂

之五門六路八省通衢

以上由原序中摘出增爲城池紀

形勢紀

汴梁地脈原自西來故惟西門直通餘四門皆屈曲

旋繞恐走洩旺氣也勢如卧牛故名卧牛城城內周

府前有興龍橋又有左右兩龍鬚東自鏃匠胡同地在

今北書店街往南至大店即今南過鼓樓而東由鵝

北口仍舊名書店街

鵝市今仍迤南東至第四巷今仍南抵宋門大街止

此名

又自鼓樓往東至五聖角今邑志訛向南抵宋門大

為吳勝角

街止謂之左龍鬚西自武廟地在今旗纛往南至鐘

街北口路東

樓樓已拆毀地在今巡撫署東十字一折向西復南

街口猶名拆樓口俗訛為車路口

折至半截街今仍南一由鐘樓口往南過館驛街西

舊名

口街仍舊名折向西過開封府者在延慶觀西今包府坑即其故地西南

抵城牆一自館驛街西口出延慶觀觀今仍舊西南抵雷

家橋南謂之右龍鬚又南門內大街有大隅首按即今行

宮東角十字街口西門內大街有大爪隅頭在今大關廟西牌坊十字街口

小爪隅頭在西門內仁義胡同北口又有三山土街為一山即今布政

署東口往南土街爪兒隅頭為一山即大爪隅頭與小爪隅頭夷山為一

山在城內東北隅鐵塔寺謂之三山不顯東門偏北宋門偏南

南門偏西西門正直北門偏東謂之五門不對鐘鼓

樓鐵塔寺皆鎮城中旺氣下壓諸凶在城有八坊曰

口喜緣

大寧坊

在南門內街東

曰永安坊曰宣平坊

在仁和門內

曰安業

坊

南至第五巷北至鼓樓東北

曰新昌坊

在大梁門內城隍廟街南

曰崇仁坊

曰惠和坊

在土市子街東北

曰廣福坊

在安遠門內街東

又有五隅

曰沐橋隅鼓樓隅鐘樓隅土街隅西關隅外又有四

鎮東埽頭西瓦子坡北金恒鎮

疑即荆隆工

南朱仙鎮又

有五所曰前曰左曰中曰右曰後並關廂又有八十

四地方

每一地方設鄉約二員俱有巾帶本縣委帖一張照帖理事地方一名每年工食銀六兩

每方火夫四名每名每年工食銀五兩此銀係門差

所出門差即各街舖面及住宅編成金銀銅房等

九則上金房每年出銀三錢中金房出銀二錢五分

下金房出銀二錢上銀房以次遞減中銅以下免出

宗室鄉宦只免住宅地方火夫本縣各人給帖一張
上填數日照帖支取白晝供應官事入暮打更下夜

周藩紀

周府本宋時建都宮闕舊基坐北朝南正對南薰門
卽宋之正陽門也北有大門五間三開卽宋之大宋
門也週圍蕭牆九里十三步高二丈許蜈蚣木鎮壓
上覆琉璃瓦下有臺基高五尺上安欄杆欄杆外街
寬五丈方是居民四週有井七十二眼謂之七十二
神煞向南是午門今猶名午朝門街東曰東華門今東華門街卽其故
地北曰後宰門層層宮門殿宇上料拱俱用銅絲網

單名爲飄衣

字書無飄字疑當音風

下有白石一方名曰足石

取豐衣足食之義極大宏敞碧瓦朱門九釘九帶門

內東西承奉司承奉內官掌管闔府事務傳遞本章

與在京東廠司禮監同往北有直房百餘間中有東

西二過門乃宋時科道衙門也明朝斷間

讀去聲

爲一

二三間各官進內候朝於此停息更衣東過門往南

通宗廟西過門往西通天地壇東有馬廄

即今三元街舊名後

馬房今馬房坑沿街俗訛爲馬糞坑沿

直房東西二庫罪宗所禁之地

正北爲紫禁城高五丈上有花堞口內有攔馬牆南

門曰端禮門北門曰承智門東門曰禮仁門西門曰

尊義門殿曰存信殿存信殿前舊有銀安殿因周藩

王氣太盛勅下貶諸蒙化既復取回

蒙化雲南地名按皇明通紀洪

武二十三年置景東蒙化二衛又云建文即位以明

年洪武三十二年為元年廢周王櫛為庶人先是周

工與燕齊湘代岷五府通謀至是乃命曹國公李景

隆調兵猝至河南圍之執周王及世子闔宮眷屬送

至京師削為庶人遷之雲南永

樂即位是日復周王櫛爵土 將銀安殿拆毀並將

唱更樓及尊義門樓拆去東華門禁不許開四角石

上俱用釘定並令於門前推土作臺此臺乃取鄭州

之土經火鍊熟寸草不生形家者言毀銀安殿所以

去龍心拆唱更樓所以去龍眼定四角石所以制龍
爪堆土作臺所以尅水使龍不能飛騰東華門不許
開謂之文官閉口折尊義門樓謂之武將去頭端禮
門上供明太祖畫像有釋道二教藏經外有城濠一

道與大海子同濠內地基寬闊俱是內使居住東亭

後按東亭當是東書堂之訛在端禮門外大梁野乘

云周定王闢東書堂以教世子辟長史劉淳爲之
師端禮門之槐枯數幹陳咎于王王自有內書堂外
修省幹復榮王各其槐爲攄忠之槐

典寶官二員候上奏章用寶端禮門三瓮三開金釘

朱戶紅花塗牆立甃鋪地進內東西二掖門門傍有

四扣磨角臺高五尺乃宋時羽林軍跣班護衛之臺
明朝有護衛軍三千跣臺候朝羣牧指揮統管永樂
時削除臺基猶在直北下有板房四間八所各官伺
候自此門進有校尉把守諸人不敢擅入傍有雲板
門東西兩小月兒門小紅門使穿宮角門也正門名
承運門卽宋之承天門也五間三開週圍石欄杆臺
高八尺內安龍亭勅詔王宗官員拜舞之地兩耳有
便門二座王宗官員入朝進內便門卽角門也正北
向南前殿九間穿殿五間卽銀安殿雖奉旨拆毀柱

礎螭頭四角尙在後有存信殿七間內安寶座座上
兩邊有長枕二個名曰威權後有圓繡靠背三元名
曰倚勢兩廂配殿十間四扣朝房棋盤蓋造東西兩
耳宋時內閣議政之處兩邊是文武朝見各班站立
之所東廂是墨刻作西廂是印書裱背直房盛法駕
等物東耳改爲典服所典膳所西耳是王子王孫習
讀之處朝房是宗人儀賓候朝於此停息殿後有一
字門名麒麟門五間北又有大宮門五空三開金釘
朱戶青石欄杆臺高八尺外斷稍間承奉候朝北有

寢殿七間月臺甬道皆白石欄杆四扣磨角廊廡名曰棋盤宮兩廂俱是年老宮眷某奶稱呼大管事各有執事掌管並年幼宮媿有名上牌伺候上宿洒掃者住居後有養老宮一樣蓋造一樣三層後殿供奉神像後山懷內有青山匣一個方五尺內鎖鎮府之寶北有白虎殿五間王曩停靈之所遺妃請入後宮

內使宮媿照舊跟隨伺候宮後有煤山

府志云龍亭山一名煤山

明太祖封周藩于開封築土山于王宮後建亭閣列花石爲游觀所國朝康熙三十一年建萬壽宮于其上按此則煤山蓄積煤炭以備有警府中供爨山高卽今之龍亭矣

五丈松柏成林上立石碣書八仙聚處四字山下有
窪池又有湍水內浮二毬急水衝動上下交騰名曰
海日拋毬沿岸上遍是水亭各樣遊樂之處奇石異
花重巒疊嶂攬之不盡山坎上就山依洞有女尼諷
經敲動木魚有聲鹿羊抵觸禽鳥展翅猛虎作威鶴
舞鶯鳴東窪又有慶安宮之勝不能盡言此宮內景
象也宮外俱是老幼宮眷居住挨門比戶有三二百
家亦有街道與市井相同宮門外東邊朝南有家廟
一座今家廟街逢時祭祀麒麟門外有東西二街東
卽其故地

頭拐角直通正南名曰東夾道有典膳所外廚專供
賞賜往東有世子府乃宋時儲太子之宮往南曰春
宮疑當作春秋宮凡遇二八月上戊日理宜於天壇祭銅人

向南於地壇祭銅人向北未祭之前三日王齋戒沐
浴宿小殿王妃有送行酒一席日差小內使問安數
次祭畢回宮王妃又有接風酒一席小殿卽宋樞密
府王欽若所坐衙門東有呂公堂南有七星臺逢七
拜斗南通東過門有內草場鹿圈有刻絲洒線作房
書堂作寫東本之類禮仁門東是東過門通東華門

再自麒麟門外西夾道西掖門西有世孫府西鄰安

樂堂凡年老宮眷病危送此堂中醫治如故發送

西華門殯葬繁塔寺保母墳此堂西有菜園門

地在
今龍

亭前西街邑志作蔡元

胡同誤應是菜園胡同有名設菜每月二十日放人

看望宮內親戚進內有大門一間外人不能擅入有

把門官校攔阻傳信呼名方許進內送禮物候回酒

食管待是日正菜園門三間大開老幼宮眷媿婢濃

粧豔抹俱在門下等候親戚看望擁塞滿門雖王妃

夫人官宦娘子到此下轎步入至日暮方散南有世

孫小花園亦有花草池塘無數小景西通尊義門北

有龍袍作

此句疑有脫悞

冰窖內藏蘋婆鮮果等物北有鹽

池菜園白衣庵一座通西過門正西是西華門禮仁門東北乃是百花園名壽春園是周端王世子恭楊號龍亭所建此園本宋徽宗御花園故基有創出石碣可証宏大寬敞內有大門二門兩廂後殿西廂後有山洞俱是名石澄泥甃所砌與真山無異上有古怪奇石錦川太湖墨石洒金等石參差嵬峨懸崖峭壁岩嶠陵澗麓峪無一不備儼然一座高山三層上

建高樓五間金碧輝煌名曰凌虛閣下分子母九洞
四面皆同各有門窗名曰九如洞洞內各有曲灣盤
旋至二層名曰玄囂洞洞前有方亭二座上安仰塵
刻就星宿部位晚間置燈於上照耀如星遊玩通宵
不能盡覽俱有題讚東窪有一高臺上建亭高二丈
上亭可窺見各宮眷住處此內宮之景只可日觀大
洞東西兩路東路直東南有小山活水下有水閣涼
亭三間兩棚附簷下有欄杆四面榻扇五彩鑿金週
圍羣牆便於凭依觀蓮內設茉莉等花百盆對過高

架飛橋下有蓮池池內有採蓮龍舟四面俱是菡萏
芰菱水紅菖蒲赤綠芬芳金魚躍浪錦鴛戲波鷗鴨
浮沉水鳥飛鳴池畔遍栽芙蓉等樹入秋花開如錦
傳言龍窩園內盡是木香木樨松柏月季寶相等花
編成牆垣茨松結成樓宇荼蘼木香搭就亭棚塔松
森天錦柏滿園松獅柏鶴遇風吹動張口展翅活潑
如生萬紫千紅種種不缺有四時不謝之花八節長
春之景洞後有車井一眼足供園中澆灌又後有水
簾洞純甃壘砌內供白衣菩薩亭後栽植脩竹名曰

紫竹仙境週遭溝渠如龍蛇盤旋灣灣曲曲外有圓門門上三字曰紫沱崖後有三清殿兩邊俱是全真道院戒僧禪室後數層有杏花村黃河九曲菊花園曲水流觴傍又有小山別亭有司官員到此游樂各有題詠詩賦又有雲樓仙橋圓檣上安板橋東西相通上有扶手平坦可走高二丈許凭高瞻眺可遠觀園中之景後有穿樓連絡不絕外有海濠緊依蕭牆又後宰門裏有土山名曰亭輦莊亦有殿宇麥熟觀農使子孫知稼穡辛苦羣王門第亦是金釘朱戶琉璃

殿宇宮中皆有內景郊外皆有花園■大門外有石

獅子一對連座高丈五尺猙獠古怪宋之鎮門獅子

也

故老相傳石獅子舊在南十字街口雍正十二年修萬壽宮于龍亭上始移置今所右一獅子兩腿

斷折卽移時所損傷也

兩傍南北跨牆紅鹿角排柵甬路三道

中路迎勅詔王出由此行走東西二道官員人等行

走東西立有下馬牌上書官員人等至此下馬正南

街中有欽賜牌坊一座一高兩低四角小坊共七坊

攢成一大坊夾角石龍盤繞週圍石座俱是須彌雕

龍彩雲上下雕刻金龍彩鳳精巧無比上懸豎牌一

面金書玉音二字下橫額書節孝兩全是賜周端王
母妃袁氏又一坊一樣蓋造亦是玉音橫書忠孝賢
明欽賜周端王之坊正門往南五丈遠臺階下東邊
有一輓臺名曰拜臺接勅詔龍亭至此臺上跪接正
中路南有木三根各長三尺練以鐵索名曰扭骨別
捧坊下有杉木一根東西橫放名爲當衝木俱是朝
廷制度

爵秩紀

皇次子封國王國王世子日後襲國次子皆封郡王

郡王長子襲王次子俱封鎮國將軍鎮國將軍之子
皆封輔國將軍輔國將軍之子皆封奉國將軍奉國
將軍之子皆封鎮國中尉鎮國中尉之子皆封輔國
中尉輔國中尉之子以下皆封奉國中尉國王之女
封郡君郡王之女封縣君封國將軍之女封鄉君俱
有祿糧在布政司關領春夏二季於五月放祿銀十
萬餘兩秋冬二季於十一月放祿銀十萬餘兩國王
以下俱有祿麥祿米海鹽籽粒國王莊民校三百六
十名每名工食銀一十二兩郡王民校二十四名每

名工食同上厨役二名每名工食銀十兩原設國王
長史二員一左一右審理一員又有八所曰典膳所
曰奉祀所曰典杖所曰典儀所曰良醫所曰紀善所
曰工正所曰典寶所以上八所之官典簿廳一員乃
長史司首領保駕指揮一員內官有承奉司五員一
管年一典膳一典寶其餘輪流管事伴讀不拘數目
俱大帽衣襪子書無襪字或
是徹謂絲綾也以下者平巾再以下散
官不可計算其餘伴當校尉俱有口糧郡王每一府
有教授官一員典膳官一員每員歲支俸銀五十兩

在布政司關領王宗男女俱有祿糧伴當校尉俱有口糧文武官員皆有俸給各色人役俱有工食各營兵丁俱領餉銀各衛所軍丁皆設屯地地方火夫見支門差銀文武科場各衙門應用一切人役每人每

日給口食二分

按皇明通紀親王除嫡長子襲封外餘皆封郡王親王祿米一萬石郡王

祿米二千石郡王除嫡長子襲封外餘皆授鎮國將軍食祿一千石郡王孫授輔國將軍食祿八百石郡

王曾孫授奉國將軍食祿六百石玄孫授鎮國中尉

食祿四百石五世孫授輔國中尉食祿三百石六世

孫以下世授奉國中尉食祿二百石皇女曰公主食

祿二千石親王女曰郡主食祿八百石郡王女曰縣

主食祿六百石郡王孫女曰郡君食祿四百石曾孫

女曰縣君食祿三百石玄孫女曰鄉君食祿二百石

女曰縣君食祿三百石玄孫女曰鄉君食祿二百石

自成化以來宗室日繁一遇歲款常賦不足親王而下多減半支給矣

官署紀

各官衙署俱在周府西南布政司署在鐘樓西路北
在今拆樓口
西巡撫署東本宋建都時舊基街南卽宋南衙開封
府可證前有牌坊一座上書方岳二字東西二坊東
坊書保釐二字西坊書旬宣二字大門五間上有豎
牌一面書河南等處承宣布政使司五門一開進大
門內東是寅賓館上號吏官房正北兩邊有直房六
七十間東房五間直宿者住北是正理問所後有監

及司獄司西房五間承差官房北有大門三間內是
巨盈庫後借爲厯日局再北東西是府州縣衛各官
廳再北東西二馬道再北有東西告示房六間正北
儀門三間東西兩角門進儀門內大堂五間是瑞表
堂堂上有布政司題名碑沈杰撰文

碑今無存

稍間是庫

左有經歷司右有照磨所週遭六房十四科東西兩
邊吏房堂後一字門三開後堂五間是紫薇堂東西
兩廂堂官之所堂前有星星石二塊東是茶房廚房
西是書東房後有關王廟三間東西小屋盛酒席家

什再自二門外東土地祠往東折向北俱是公廨有
 百五十家書吏居住署前街西是守道署街東口折
 向北路東是守道住宅北首都事廳往北經歷司再
 北左布政住宅堂後口往西路北右布政住宅折向
 南路西是架閣庫俗傳狄青得寶之處按即今撫署
 東保定巷据
 此則應作迤南檢校署照磨署庫官署南是督糧道
 寶定巷

住宅再南副理問住宅案牘署餘俱是吏承居住再

南抵前街口往西是按察司署即今巡撫署 即布政司西

街路北有牌坊一座上書總憲二字過牌坊路東是

管河道署路西是兵備道署再北有府縣各官廳正
北大門三間上有豎牌書河南等處提刑按察使司
左邊牌書拿問貪酷官吏右邊牌書伸理冤枉軍民
進大門內有寅賓館東西二馬道正北儀門儀門內
大堂堂上有按察司題名碑齊之鸞撰文碑今無存大堂
內後堂按察使住宅又自儀門內往東有兵備道住
宅經歷知事巡道住宅西有河道住宅並照磨檢校
司獄司西角裏往南朝西有敬畏堂即點風亭有獄
神廟有男監女監官監都指揮使司署在鐘樓東街

路北在今拆樓口東路北後鄰旗纛街前有牌坊一座上書專闕二

字過牌坊有官房四五十間軍民雜居北有朝南大門五間一開有牌一面上書河南都指揮使司其門兩截上截丈餘下截七尺門枕七尺高三尺厚簷柱裏外俱有大木柵欄進大門內東邊通都察院西邊是斷事司有正副二斷事北是寅賓館再北是獄有司獄司再北是知事署經歷司中道四個上馬石臺俱方四尺高三尺正北有儀門三間東西兩角門東西二馬道進儀門內左右俱是六房正北大堂五間

內有都指揮使題名碑陳講撰文

碑今無存

大堂地基卽

五代梁朱溫舊殿遺址極大宏敞有都司三員一員

掌印一員領班一員巡捕本地城操協同遊擊行事

每科武舉在此堂上赴鷹揚宴前張榜又武弁由此

出身堂上有鼓一面丈二圍圓係酸棗木土城酸棗

門之樹造成三個鼓一置鼓樓一置朱仙鎮岳王廟

一置都司署上刻嘉靖年號大堂後有二堂再後是

住宅東是班司住宅西是捕司住宅後有旗纛廟三

楹地去今旗纛街北口數武東有關帝廟一間西有

路東民宅後院已爲水坑

張岳二神廟西鄰武廟

地在今旗燾街北口路東

大門三間稍間

是伍員趙雲大殿正坐昭烈武成王姜太公左立孫

武右立張良兩邊十哲俱是歷代軍師兩廊俱是歷

代功臣武庫備藏各樣軍器前是箭道南有射圃廳

武廟大門朝西此門即是都司後門俗傳是楊太太

家門爛釘不爛木武廟門有過街坊書武成坊三字

迤南路西是宣武衛署大門三間上匾宣武衛三字

內有掌印指揮一員巡捕指揮一員鎮撫司指揮使

指揮同指揮僉共二十四員千戶三十六百戶七十

二俱世襲有獄經歷司司是開封府管武成坊西有

小巷通總舖有坊上書肅寮二字往西路北縣廳府

廳中察院糧道清軍道都察院署在都指揮使司東

今行宮疑先是太府明朝差太監一員河南鎮守縱

弟劉二殃民被論殺除改爲都察院東坊書撫綏中

夏西坊書整肅兩河正坊書中原重鎮前有照壁東

西轅門外有軍門旗杆黑鹿角正北有大門三間東

有中軍廳買辦房西有旗鼓廳衛長承差報事等各

色人役房進內寅賓館儀門內竹苞松茂氣象崇闕

兩邊皂隸房大堂五間內有巡撫都御史題名碑嘉

靖十九年何塘撰文

碑今無存

二堂五間月生館來鶴堂

寢樓後樂堂門下健兵衛宿兵各色人役管轄八府

十二州九十六縣十三衛所軍民人等總制兩河撫

安八郡掌生殺之權森嚴之地按院署在雷家橋西

橋在南門內迤西

舊傳是宋時南清宮八大王府故址

明改爲按院左坊書振綱肅紀右坊書激濁揚清正

坊書太嶽執法大門兩傍各色人役房大門內有寅

賓館儀門大堂二堂寢樓各處房屋華麗美觀提學

道署在馬軍橋南西鄰大道宮向南大門三間匾曰
中天文學之司前有照壁東西兩坊左坊書振興文
教右坊書樂育人材大門內儀門大堂二堂後是住
宅開封府署在延慶觀迤西

卽今巡撫署街
南包府坑是

北與布

政司直對向南大門三間匾曰中原首郡大門上有
樓名旣濟樓左右有過街坊左坊書承流二字右坊
書宣化二字照壁兩頭又有二小坊左書包嚴右書
歐寬東有包孝肅公祠祠內有宋開封府題名碑起
建隆元年督居潤訖崇寧四年李孝壽共一百八十

三名又有開封尹題名碑並記起崇寧四年李孝壽

訖上官悟共四十八名末附金韓仲適一名碑在今府署東

南隅包公祠內陰陽學西有醫學正北有儀門三間東西兩

角門儀門內有木牌坊一座上書古南衙俗所謂包

公倒坐南衙也大堂五間大堂東有倉頡廟內有銅

壺滴漏一架木人一個名婁耿先生取漏更先聲之義懷抱

時辰牌一面上有十二時辰百刻遇交時刻堂上定

更起鼓大門既濟樓接鼓延慶觀角聽更火夫聞聲

一喊東報縣鐘樓口聽更火夫聞聲東報都察院西

報布按二司及按院一齊起鼓分毫不差交更亦然
正堂所轄三十六州縣六廳並首領府內居住西南
有監內有司獄官有更樓巡更夫上呼下應大門南
路東有門三間匾曰開封分署大門內朝南清軍廳
南河廳巡捕廳理刑廳管糧廳等署並倉重者下監
輕者送倉祥符縣署在相國寺迤西今仍舊地大門三間
左右有過街坊左坊書節用二字右坊書愛人二字
大門匾曰中原首邑左有旌善亭右有申明亭又有
各色衙役官房大門內有土地廟寅賓館收糧銀十

六櫃上號房儀門三間東西兩角門儀門內甬道中

立石碣上書聖諭六言背面書爾俸爾祿民膏民脂

下民易虐上天難欺兩廂是六房大堂五間名戴星

堂前有題名碑萬曆九年知縣李天麟立石曹金撰

記碑今無存稍間是庫西南是監清軍東河管糧巡捕等

署俱在縣內住惟河署另居大堂後二堂東是內宅

區曰敬事後食後樓書房管理一百五十八里豐厚

有遞運所大使一員管站車一百五十八輛轉運使

用其事重者下監輕者送所接明朝品職布政司從二品按察司正三品都

指揮使正二品都察院正二品巡按
正七品知府正四品知縣正七品

街市紀

自東下馬牌大街往南路東故唱更樓下灣橋一座

上是引禮官房又南是八所官署往東是賈儀賓衙

衙周王第三女府也東通徐府後坑今仍名徐府坑過賈儀

賓衙衙口大街往南是審理所有染房磨房接骨李

家油房至曲江王府東是單鳳巷按宋宮城南門曰丹鳳門此巷當因

此門得名單應作丹巷口南有關帝廟向西即今老府門迤南路東南鄰是魯班

廟後通徐府後坑坑南岸有奶奶廟一座向北即今泰山

廟 是 自關帝廟大街往南是興龍橋有寫真方家畫館

至西亭府牌坊 在今徐府街西口 有帶子手巾大小鞋鞮松

串簪棒白貨等舖折向東路北有五彩彩頭條牙子

汗巾鑄銅簪扣酒店銅匠整理琵琶絃子北是茶葉

衚衕過口往東有成衣燒酒皮金雜貨南酒藥材等

舖木耳店酒館至徐府中山王裔孫之府奉勅修建

故名徐府街大門金釘綠戶匾曰大功坊門聯春王

正朔頒千載開國元勳第一家 按即今山西會館 又東是大

山貨店街 今俱名徐府街 有雜貨店當店東帖舖打金舖北

是喬三府衙衙口有炒黃丹傾銷打金正升字號店

北是黑墨衙衙

今自南口起俱名黑墨胡同

口有燒餅冷酒雜貨

過口是華亭王府大門改爲大雜貨舖東至大店街

角

即今南書店街北口

自大店街角回來往西路南有雜菜雜

貨如松字號店俱是雜貨扇兒北門

北門疑有悞

店內俱

是樓房有百餘間大祖師廟大王廟

當即今山貨店北口大王廟

內有京杭青揚等處運來粗細暑扇僧帽頭篋葛巾

白蠟等貨至小山貨店口

即今山貨店

過口往西有雜店

過客店至草三亭

草三廳今仍舊名

北口過口往西有羊皮

金打飛金皮金頭條牙子銅錫簪扣等舖西復抵大街大街往南有飯店刷字刻字成衣造玉牒册刊竺板至長史司署前牌坊上書名藩弼允四字內設五品長史二員卽王者首臣輔弼教讀王之子孫俱由部選往南有竹貨漆店三街六市奇異菜蔬密稠不斷飯店皮鮮素麵店羊肉車鷄鴨鵝直至大隅首折向東有打銀舖緞店估衣舖羊肉響糖路北草三亭草三亭南口內有熟皮作房草三亭又名鳳凰巷俱回子居住有禮拜寺巷口往東有估衣店南酒店各樣美

酒店再東有估衣大緞店三座當店軸丈鋪孝帽傾

銷雜貨至小山貨店南口

即今山貨店南口

折向北揭裱書

畫頁手卷再北俱是字號店紅紙店京文紙傾銷合

森字號生熟藥材北頭路東老莊家茶葉店各品芽

茶往南接連不絕俱是藥舖扇兒舖路西張時天店

古連紙舖對醋張家衚衕西口

即南書店街路西胡同今與山貨店不通

改名將醋胡同後
悞為醬醋胡同

是張應奉酒飯店各色奇饌又有

傾番絲銀舖南北香料藥材店羊皮磁器店往南有

打金店皮金舖迤南通是生熟藥舖至南口復向東

今相國路北有雜貨磁器當舖紙馬舖各品香五
寺後街

頂神馬奉神等物俱全當舖南果海菜店再東卽是

大店街南口有鐵貨舖祖師廟緊靠鼓樓廟已拆毀

祖師廟卽今鼓樓西路北關廟路南是馬道街卽今鼓樓南馬道街定戲有名

皮匣大箱冠帶帽盒文具簪匣七寸枕箱等貨皆是

重銅飾件刷牙篋子舌抵眉掠灌香精雅京城臨清

南京泰安濟寧兗州各處客來販買不斷再南有星

君廟折向東有坐北朝南鐵佛寺今仍舊名卽慧林禪院

迤南至第五巷按卽今黃大王廟胡同通宋門街止又自鼓樓

往西路南有鐵貨江米店西裁貨至麵店口

按卽今相國寺後財

神殿北口

再西有薰鷄鴨豆腐鷄子紙店書東毛邊等

貨此市有天下客商堆積雜貨等物每日擁塞不斷
各街酒館坐客滿堂清唱取樂二更方散再西有軸
丈氈貨緞店廣福店糖店緞店南酒店清唱局各色
海菜六安芽茶余芳緞店南酒店諸樣美酒乾菜糖
果鮮魚鮓鱸團魚鮮蝦螃蟹細片粉油子粉直抵大
隅首大隅首大街往南路東有乾菜糖果等物再南
是盧家綽號雷公宅舍寬大內有大菜園一切菜蔬

俱全祥符百姓殷實數第一家藥舖羊油蠟燭成衣

染坊茜紅氈店紙店至總聖庵周府建立曹伴讀看

管往南迤東是藍家衙衙即今縣署後胡同西通大街東通縣後

過口有鮮果乾果菜蔬俱全亦是三街六市酒肆油

房麵店錢舖竹貨箍桶打錫切麵染房藥舖燒黃二

酒火燒燒餅牛驢肉車飯食粗饌南至縣角今仍舊名四

面皆賣布故衣有老婦人替人縫補衣裳自縣角往

南有飯店大米行所有鄭州輝縣光州固始等處運

來各色大米俱歸入行內其斗大如雜糧斗再南是

州橋今淤沒仍舊名下卽汴河其橋脚北過縣角南至小紙

坊街口今街仍舊名又名天漢橋橋上東頭有金龍四大

王廟西頭有勅建石碑並碑樓蓋罩傍又有開封府

惠民局施藥亭官醫生在此調理病症有嘉靖三十

九年施藥亭碑開封守周爻立李謙撰記碑今無存橋高

水深舟過皆不去桅最宜月夜汴梁八景之一所謂

州橋明月也橋南是稅課司東京攷云明月樓在大漢橋南街東明洪武十

五年因其廢址為稅課司東是木廠街今仍舊名通遞運所自稅課司

往南是六陳雜糧堆圍如山官斗五十四隻再南路

東是薰家園衙衙口過口再南是柴市賣柴薪雜木
等物再南至小石橋亦是汴河別支橋南有乾魚店
糟物海菜俱全各色生意牽連不斷再南卽原武府
西牌坊折向東過牌坊坐北朝南原武王府大門五間
金釘朱戶四門皆有伴當看守府中殿宇一片琉璃
與別府不同原封祥符王係周藩近支周藩缺嗣取
原武兄襲封後以其弟改封爲原武王地基寬大殿
宇巍峨金碧精瑩山洞樓閣亭臺池塘花草樹木活
水山子黃河九曲燈殿大山前後兩廂舞旋大戲數

班西有桂樹百株隔牆香味撲鼻滿池金魚長二尺

餘其景世間罕有布政司匾曰人間天上今南門內迤東藥王

廟後往北路西水坑邊有大玲瓏石長八九尺又東

鄰外馬號水坑中有大石甌作蓮花形圍二丈餘當

俱是原武府中故物前有青龍背即今縣學宮西街仍舊名直抵城牆復自

原武府西牌坊大街往南有飯舖酒店鐵匠木匠繩

匠磨坊紙馬等貨各舖往南直抵南門止又青龍背

東有梓潼廟即今縣學宮後梓潼閣內有嘉靖三十三年重脩

文昌祠碑記曹忭撰高仲嗣書在今廟內東鄰元帝廟即

五龍宮元帝背後有宋藝祖睡像東有小校場此周

五龍宮元帝背後有宋藝祖睡像東有小校場此周

五龍宮元帝背後有宋藝祖睡像東有小校場此周

府前東路街市也自西下馬牌大街往南路西灣橋
一座上有紗帽舖專做王侯大小文武官員冠巾金
玉犀角瑪瑙烏角等帶並女冠等類又南有代書舖
張指揮宅醫獸瓜子坊子至瑞金王府再南卽鎮平
王府衚衕內向南鎮平王府過口往南有銅匠舖絨
線舖梨店乾菜店絲店雜皮匣翻刻經書竹匠榻子
匠至西亭府前有牌坊上書宗正府三字大門三間
進內向南二門三間前後屋宇不可計數正南對過
山水花草亭洞極奇勢雖狹小精巧雅致內有宗正

一員號西亭

西亭名睦樛字灌甫封鎮國中尉

係奉國將軍崑崙公之

子

崑崙名安河

是鎮平王宗室草精經學藏書極富萬歷

間舉文行卓異為周藩宗正後復領宗學其子名勤

美

美應作莢見授經圖

號竹居能繼父業設五書院天毯館五

柳亭禮賢館及別館數十處廣交當時名卿碩彥長

者之車日滿戶外俗言竹居林山連日有酒其子履

坦早亡孫永芝繼為宗正綽有祖風再南有竹貨舖

機房織包頭首帕素縑裱綾畫絹羅底等貨名醫羅

家獎匾無算生猪肉架各樣南北果乾菜三街六市

熱鬧第一折向西過街石牌坊路北是張皇親家牌

坊上書倡義捐輸四字再西有雜貨鐵貨鐵條口條

白線冠髻布花殼兒

即婦人所戴小髻
殼汁中語若苛

首帕汗巾雨

傘絲帶余大緞店剪裁舖余濟緞店零剪舖余鴻緞

店至李璉衚衕有修補門牙青銅時鏡程家鞋舖布

店當舖絲線帶子成衣舖至察院東俱是舖戶察院

東大旗杆照壁前賣大米粥粽子油粉銅貨攤子西

大旗杆西成兵快

成姓兵快
其職也

鞋舖西至都司署西是

棉線市茜紅纓傘舖銷金曲柄繡傘方傘俱曲柄黃

青藍捉影雨絹鬧龍傘片金扇打扇再西有梳子店

三巷每巷有三二十家俱賣四川黃楊福建荔枝松

根淨齒精緻梳櫛偶戲飛線

卽今戲術

再西當店賣鞵西

抵鐘樓網巾繩包錢舖有牌坊一座上書恩榮三世

四字爲少司馬曹金立下賣胭脂宮粉香袋等物復

回向東路南有高燒酒臨清首帕汗巾雨傘葛布再

東有皮襖鞵褲上京發賣鞍轡舖針粉胭脂梭布店

酒園各樣美酒各色美味佳餚高朋滿座又有清唱

妓女伺候再東有絨線舖臨清首帕店銀花青絲汗

巾帳子圍裙余深緞店再東有首帕舖周府潞油店

關家傾銷舖陳漢章南鞋店青銅鏡舖起磨古鏡挾

髻布花東帖紙張直至大隅首自大隅首往南有乾

鮮果錢桌酒飯店籊桶鞞鼓折向西是館驛街今仍舊名

有奉新王府馬鳴王廟大梁驛原是宋時小御巷風

鈴寺故基徽宗行幸李師師處僭稱師師府下有地

道直通宮院明改爲大梁驛西有關王廟初本一間

因著靈異改建爲大廟求籤輒應香火不斷即今館驛街路

北關廟西有牌坊上書皇華二字復回自館驛街東口

往南生意挨門不斷至縣角賣布故衣處折向西有

眼藥舖各色雜貨生意路南是李鄉宦宅並立二門

牌為部郎李世德建人呼為紗帽李家西頭有皂靴

舖定做選材通襯文武官樣四縫掐金男女朝靴西

抵延慶觀止

此街即今縣角西大紙坊街

再自縣角往南州橋南

有染房至小紙坊街東口往南有雜糧大坊子至浦

江王府折向西即甯鄉王府遊擊府

今名遊擊府街

豆腐街

街東口迤南是柴市逐戶生意至小石橋南封邱府

角

今訛為封吉府街

西是封邱王府封邱絕後改為魏忠賢

祠忠賢勢敗火急拆毀大梁野乘河南為魏瑞建祠樹旌曰崇德報功興工破土

諸當事者咸往祭告獨提學曹履吉仰視長嘆稱病

不去拜力役日千人晝夜無息當砌脊時督工某大

參以匠役張三不預稟以紅氈毬包裹上獸而俟展

拜怒加責懲蓋借上獸阿奉為上壽也工未畢即拆

毀督工某急令先搬獸擲下三忽踣稟曰討紅氈毬

裹下獸以便展拜督工者復怒責之或謂三多言取

責三曰吾臀雖苦楚彼督工者面皮不知幾回熱矣府角酒飯各樣生意排門

皆是至順城街營子街今仍舊名直抵南門止此周府前

西路街市也又自鑿匠衙即今鑿匠胡同口往南鑿各樣

巾帽盔及各色器用紙紮舖賣老鵠扇子東是商城

王府熊家衙後改為熊家園今訛為杏花園按即今關廟西向南半截胡同舊通南街

王府熊家衙後改為熊家園今訛為杏花園按即今關廟西向南半截胡同舊通南街

王府熊家衙後改為熊家園今訛為杏花園按即今關廟西向南半截胡同舊通南街

王府熊家衙後改為熊家園今訛為杏花園按即今關廟西向南半截胡同舊通南街

王府熊家衙後改為熊家園今訛為杏花園按即今關廟西向南半截胡同舊通南街

王府熊家衙後改為熊家園今訛為杏花園按即今關廟西向南半截胡同舊通南街

後有磨房酒店紙馬舖出賃喪舉綾旛旗傘魂亭銘

旌架吹手小弔大馬油燭紙張舖飯店至大店街角

北白鏞匠胡同 往南路東有傾銷舖果子舖薑店內
至大店街角

賣鮮薑甘蔗荸薺栗子白果土茯苓再南有酒飯舖

燒酒秋露白酒路西是大山貨店口過口往南是柘

城小店專住妓女過客酒店再南又新店俱住貨客

妓女尤多飯店酒店雜貨等舖再南是油店住者香

油菜油綿油芝蔴菜子吉陽夏布毛紙等客內有妓

者三四家店門南鐵匠專打鎖定牲口蹄子再南有

紮彩匠做顯道神其頭模有五尺高六尺圍圓王府

出殯皆用此物南臨板廠衚衕

按舊與文殊寺通今斷

再南是

都司官店內有官機乾布建甯熱水中長紅黃夏布

路西酒館飯舖臨清店專住妓女再南有艸料舖麵

房成衣雜糧紙燭糖店杉板廠裁縫舖做大綠獨行

臨醋張家衕衕

今南書店街路西
訛為醬醋胡同

東口有古董粗磁

盆罐炊帚笊帚趕麵杖蒜臼笊籬勺瓢之類磨房傾

銷緊靠鼓樓之下通是小爐打擺錫飾件往東老鴿

宅方脈余家弓箭舖路南是鶉鴿市

今仍舊名賣鵝鴨雞

貓貓疑是毛之訛南是爛麵衚衕迤東是齊陰陽衚衕西口

進口往東路北是臨汝王府南是博平王府醫官至

第四巷今仍舊名南通宋門大街鶉鴿市口路北是三井

衚衕今名三眼井眼科再東是定秤衚衕做風匣方斗諸

樣小活北是織負版負版喪服所用方一尺八寸綴於衣後當領下垂之做孝

帽東有炒黃丹通紅河沿今仍舊名西通板廠衚衕定秤

衚衕南口迤東是高張劉鄉宦住宅劉謂勤僖公昌也邑志貞節坊

為劉夢丙妻趙氏立在舊鶉鴿路路南往東兵科給事

市東夢丙庠生勤僖公之父

中高家住宅再東是皮店再東是西藥材店齊陰陽

家胡同

即今鼓樓街此胡同今不通

東至五勝角

今仍舊名到南頭此

即所謂左龍鬚也又自武廟街

即今旗纛街

往南染房布

政司更道路西俱是布政司東牆路東一直是都司

官房武廟門過街坊迤南路西宣武衛官房南是宣

武衛署再南是許公祠張公祠伍公祠俱春秋二祭

至總舖南有燒餅染房藥舖打銅過客店酒店客店

飯店又客店淫店

淫店義不可解未知所市何物以下凡數見恐字有訛誤

又客

店成衣舖又淫店傾銷銀舖路東磨坊雜貨賣石器

冷酒雜貨成衣舖過客行臺鐘樓口以北各店俱有

妓者又成衣南貨客店雜糧草料東一小巷通梳子

店南是紙馬傾銷醋舖切麵草料繩包雜物飯店酒

館布鞵烙饅鐘樓口

卽今巡撫署東十字口樓已折毀

網巾繩包錢

桌暑鞵線鞵紫白布帽匠樓下洞內有南京雜貨廣

東人事房中技術樓西俱是京貨繅兒匠製造印綬

儒繅鈎繡裙繅結掛有過街牌坊一座上書卿相世

家四字爲靈寶許讚立

按邑志作許進

下賣灌香刷牙篋子

垂頭舌抵耳勺耳撚帽靴鬃刷皮箱描金捲胎漆盒

路南賣首帕黃黑雨傘香舖合香攢香俺苔香

俺苔外夷

地名香袋連籠桌圍等物帽巾舖三二十家定做百樣

巾帽西至布政司署照壁後賣醬菜百樣醬油鹽醋

西有酒店當舖成衣舖至按察司署西有京文紙舖

賢大嫂廟再西有酒舖官帽舖製官帽幞頭之類羊

肉麵店日宰羊數隻麵如銀絲扁食奪魁各府馳名

西至開封府角止往南是半截街今仍舊名有打紅銅諸

樣器皿舖鐵鞋幌有名鞋舖三鑲卓履折鞋方鳥萬

卷書程子刻絲雲頭雙刺細鞞各樣檀鞋儒履以東

有食店過客行臺酒館草料繩包鞍架鞭鐙角皮淫

店紙商葛羯子纓子店夾剪摔剪鈴鎖氍毹等貨六

府角

按卽今巡撫署西角路北

迤東有酒肆麩舖成衣錢桌過客

店代書呈詞狀格紙張淫店二座助老扶幼走馬烏

鬚扶乩戲術棒瘡料理半截街北頭有酒樓巾帽舖

再自鐘樓東往南俱是錢桌冷提臘燒等酒胭粉銀

舖大館賣豬肉湯蒜麩肉內尋麵諸食美味闔郡馳

名再南賣頭盔戲衣梨園槍棒再南是織染局再南

是書舖直至館驛街西口再南有成衣局小書攤以

南皆是香舖魚骨爲記有名合香一切雜香有三五

家冒名假充又有飯館筆舖數家折向西有成衣舖

談命館麵舖客寓亦有妓女膏藥代書又客舍過包

公祠至開封府署西各色人役官房新街南口過客

店酒店至半截街南頭路南是大傾銷處專做上納

元寶大小成錠客寓天主堂縣志劉猛將軍廟在延慶觀西舊係天主堂雍

正三年總督西亭祠巡道署西河署于少保祠祠移建今

西棚板田文鏡改置西是馬軍橋又名蔡太師橋亦名馬軍衙橋往南是

高墻即閑宅罪宗所禁處老君堂西抵城牆開封府

門正南路東是各廳居住南通送子橋西是靜安街

今仍舊名南是倉西角向東關王廟南通呂御史街再南

抵城牆止又自延慶觀南各項生意東是大紙坊街

西口

大紙坊街
今仍舊名

有白布店延慶觀大門三間門前有

石獅子一對大門內向東有關王廟三間向南二門

三間正殿供三清天尊殿後有八瓣琉璃塔上圓下

方內外純甄砌就約高四丈三層最上一層向北簷

下刻通明閣三字行書字大尺餘下層向南有洞內

供元帝並有張三丰遺蹟西有小殿三間內住全真

道人地極清幽過往官員清客巨商多於此寄寓觀

南是小倉倉東是小紙坊街西口有坐門妓者西是
按院積穀倉改爲鑄錢局造天啓崇禎錢南是倉東
角西是撫院積穀倉又西是軍儲倉內有重修開封
府軍儲倉碑記王惟儉撰

碑今無存

大堂三間廡房棋盤

蓋造六十間俱是九櫛中有曬穀場西南孟子遊梁
祠宋時創建內有明重修遊梁書院碑萬曆三十一
年巡撫方大美撰文

碑今無存

左坊書居仁二字右坊書

由義二字路東是邵陵王府名醫鄭繼元家其子封

崇禎甲戌進士曾任廣西巡按又有安吉王府再南

折向西至按院署雷家橋今仍舊名南向北關帝廟一座

東是校尉營向北觀音堂止今名觀音堂街此即所謂右龍

鬚也又自東下馬牌往東按即今老府門往東大街茶庵三皇廟

路北一直俱是蕭牆路南琵琶趙家走京字家專辦

請封報名幹王册封之事名桂齋好養鬥雞鶻鶉宜

陽王府冰窖畫舖藥舖卓典杖卓姓典卜杖官名住宅又菜

舖做紅土獨行邱家舖戶白鐵匠衚衕東有飯店崇雅

香舖去麝加檀真正素香酒館再東香末店藥家姓

彭謝廷璽新三營將官飯舖酒肆乾果麻刷等貨北

是周府東角樓

按地當在今南京巷北
口李空同故宅舊在此

路南雜貨舖

東有過街坊年久字俱剝落東有一坊上書恩宥坊

三字板廠東是李宅後房

卽李工
河宅

路北舖戶酒店切

麵當舖結帽匠俱是工正所人專結牛馬尾各樣巾

帽周府時常發出破網巾一二十頂洗補上定金圈

及羊脂玉碧玉瑪瑙紫金等圈其實無比東是堵陽

王府爲接嘉靖皇帝帝見其年老賜予雙糧登基之

二載上問周藩堵陽王可好遂頒下匾額上書御書

存問四字

世宗存問堵陽王書云茲者南郊禮成大
頒恩詔朕念王政先于老老仁民始于親

親惟王宗室懿親壽邁七十恩澤覃布所宜加降茲特以羊酒幣帛令本府進奉官員順齋存問以見朕優禮之意專此以達惟王亮之見府志卅一卷

二字亦賜雙糧往東是會長府再東是原武府避水

樓壽木舖東帖舖柳條叵羅等貨當坊舖東是會王

府今布政署西金龍四大再東是汝寧王府後改爲

仁和王府即今布政司署至土街角短工市按即今土街北口遂寧

王府成衣舖魯陽王府會吉疑當作會稽王府燒餅合簷

餅作雙層名曰合簷出賃磁器家火酒烙緞盒雞鵝籠娶親披

紅銀花等物街南眼藥艾家張宏濟藥室魯陽王府

官廠艾文所藥局漂匠做傘籠醫獸彰德王府東酒

飯舖至王家角

在今曹門內
火神廟前

飯舖油房染作碾布生

意接連至油房角

地當在今火
神廟前街口

往東飯店鞦韆宗學

今布政司署迤東火神廟即其故

址順治五年改建見火神廟碑

再東保生堂往北

一小巷關王廟跋路

當在火神廟
東路今不通

東通雙龍巷宋藝

祖太宗舊居之地

今仍
舊名

西通遂平王府角自保生堂

再東磨坊酒肆雜糧坊子傾銷銀舖酒館麵店至轆

轆灣坐南朝北奶奶廟

即今曹門內泰山廟其地舊
名轆轆灣見康熙二十年辛

西建泰山廟

後蜀碑記兩廂紙馬雜貨乾鮮菜蔬各色生意有

百步拐向東直衝曹門故名轆轤灣往北十二祖母

廟

在今曹門大街當鋪胡同正北朝南廟

內有宋鑄銅菩薩極工細衣

紋上有鑄就熙寧通寶錢數枚

在今廟內

南是觀音堂三

官廟火神廟繩匠木作鐵匠染房酒舖火燒燒餅各

色農器直至曹門止油房角南通東嶽廟後往南坐

東朝西關王廟大王廟雷祖廟魁星樓東有朝南日

光廟曹門往北有西亭府書院週遭水波圍遶有游

湖小舟北有葦蘆再北有觀音寺一座係周府香火

院山門二門大殿五間上坐觀音菩薩東配殿千手

千眼佛西配殿有轉輪藏左右鐘鼓樓後有山亭透

靈碑一通

碑今無存

尼僧百眾內設女學周府內小婢女

在此讀書老軍把門閑人不得擅入

寺今已亡國朝重建於雙龍巷

路南內有三足銅香爐高三尺許鑄字云大明國周

府鑄造觀音寺香爐花甌一付永為供養吉祥如意

者永樂六年五月吉日施按此當是從舊

北有鐵塔

寺移來今寺門匾題古觀音寺殆失考

寺名祐國寺又名上方寺俗呼鐵塔寺北齊時創建

前有山門左右兩角門門前週圍高丈餘東有鐘樓

甌座高丈八尺上建崇樓四面門上琉璃四扣獸付

簷四面琉璃佛其像極古內懸銅鐘布袋樣重六千

斤下有陰井一眼深二丈餘北面有立輓細級可上
遇王甕逝撞鐘三日三夜名引魂鐘內正殿五間中
立接引銅佛一尊約高二丈後殿五間正中坐佛兩
山羅漢殿後有八角琉璃塔一十三級上立銅寶錘
高丈餘宋時浙人俞浩與丹青郭忠恕按圖同修層
層俱有鐵佛八面圍廊六面櫺窗向南一門匾曰天
下第一塔兩邊篆字對聯後又有地藏王殿東有五
柳亭林木茂美卽宗正號竹居所建也前有三官廟
卽今三官廟每年
三月三日大會
廟內有萬曆庚戌周府重修碑記

左長史周國庠奉令旨讓東書堂書辦官王之楹書

西有黃塔故基卽金之惠安寺俗名破塔寺又有杏

花村村西向南三清觀本宋之延福宮元時毀成平

坡明改爲三清觀內有鐵火鑪鑄字云周藩胙城王爲三清觀施在今鐵塔寺南三官

廟內後殿供雷祖西通七府角北門大街迤西往南

有靈官廟北是蘆葦東南俱是鹽地大街往南甬路

一道中有小橋東通打箔衢衢今北門內路東俗訛爲啞叭胡同西

路北是蓬萊閣四面皆水北是葦坡坡西向東小關

王廟一間後是周府東北角樓往西是後宰門門東

西貼蕭牆居民多業熬鹽俱無租課遇周府有喪葬

事供應執幡之役角樓迤南蕭牆根俱軍民雜居東

有宋真宗勅建泰山娘娘行宮

按即今北門內西南泰山廟俗呼北泰山

廟銅像高九尺五寸後殿張王妃替僧焚修張國紀

挂匾曰宮載龍華前殿火居道人焚修東鄰是古三

皇廟

按即今三皇廟

廟基高丈六尺廡山殿三間內供三皇

上帝四配兩廂十大名醫前是開天之殿亦是廡山

轉角四明琉璃閃屏上龕內供道德天尊頭門三間

石獅子一對匾曰天下第一古廟元至正五年重修

碑吳炳書碑今無字明周王重修三次往東是香山寺東

通槐樹吳家口西是二仙奶奶廟西南向北觀音堂

朝南祖師廟衆人居住至東華門東路北是段儀賓

府周端王長女府也東有裁縫舖東北是潁川王府

再東是應城王府府內燈殿山亭不亞於原武有木

器賣麵舖酒館當舖沈邱府後院大冰窖南是沈邱

府西牌坊前園東沈邱王府有孫家篋子乾果粽子

舖戶路西東華門一成衣舖四五民家居住迤南蕭

牆直至東角樓口向南兩路西通五府街訛為五朝福街

南關帝廟

即今五府街北首關廟

東通打錫衚衕止

按今府署西轅門外

向南疑即其地

又有北門大街南昇仙橋有飯店酒舖染房

香紙舖張雲黃痘疹科染房繩舖驢市棺材舖路西

門牌王九德家

九德萬曆庚戌進士官順慶知府父名北河官藩府書堂見大梁野乘

至七府角各樣肉菜俱全迤南紅門是汝陽王府路

西王允朗家

允朗天啟八年貢生官失攷

應城府炭廠觀音牌路

東通觀音寺

按當在鐵塔南寺今已亡

南是拍箔衚衕口有磨房

酒房紙馬香舖小關帝廟從福善街槐樹吳家口東

小關王廟西通柘城府冰窖二仙廟住道姑南是柘

城王宗舉走京李家上京幹王錄册封等事柘城王

是副宗正至大關王廟即今北門內糧道街頭門三

間石獅子一對八字閃牆大殿三間廡山轉角上坐

藤胎戎裝大關王像一尊前簷向南有周世子像為

捐金重修廟宇故塑此像兩廊功臣後有寢宮左有

五瘟殿右有岳王殿大殿北三義殿左右五虎張黃

趙馬姜維大殿前朝南諸葛庵丹墀下有飲馬池街

西路北是柘城王府即今糧道署內有山亭樓閣花草樹

木比原武府尤勝大門五間前是雜糧坊子西有小

門通穎川王府南是外科陳野庵紙馬舖磨房成衣

舖至應城王府是花門府角東是宴公廟

按通許汜水俱有宴

公廟義取鎮河未知何耶又按陳州亦有宴公廟祀宋知州宴殊未知是否

胙城王府再

東是遂平王府有冰窖燒餅切麵染房酒肆鄉宦王

兵馬家沈邱府東牌坊南俱是鄉宦王親居住再東

是中亭牌坊後賣與崇岡北是住府西童家小巷東

是大瓦寺衲衲

一作打瓦寺東京考云打瓦寺在土市子街東北惠和坊元末兵燬明洪

武二十年尼僧義果等重修按今白衣閣即其地

有丹客祁姓專以燒煉為

生丁文泉百樣煙火至土街

即今土街

有成衣舖響糖舖

所造連十連五連三合桌各樣糖果磨房驢肉鍋賣

棺材織竹簾打鐵箍泥半匠往東線兒李家衚衕按即

挑筋教禮拜寺南牆外胡同今與土街有挑筋教禮
不通俗名仙人巷應是線兒巷之訛

拜寺

在今曹門內火
神廟南寺漸廢

東有義寧王府東北通圈王家

角南通塌房街

即今馬神廟門街今自學
院東口迤南皆名塌房街

向南是奶

奶廟再南是東嶽廟每年三月廿八日聖誕之辰五

日前會起進香做醮擁塞滿門所賣各樣貨物遍地

皆是棚搭滿院酒飯耍貨諸般都備香火燎天人烟

蓋地內有廟圖碑並記上一橫刻字云東至儀賓東

牆爲界西至汝陽伍府西牆爲界闊五十七丈四尺

左邊字云東邊南北長南至官街北至官街共長八

十一丈七尺右邊云西邊南北長南至官街北至官

街共長八十一丈七尺碑陰紀嘉靖四十年碑在今東丹墀

下康熙拾陸年趙尙義重立又有勅賜東岳神祠重修記萬曆七

年周王崇易主人譔在今西丹墀下又有全省城隍畫像碑

嘉靖二十九年南京戶部員外牛恒撰左長史邱民

心書在今廟東偏院真武廟大殿內又自大街即今十街往南折向西今府

東路北是李二河家即李光壑家一連三處宅俱是高臺

一般蓋造西是王嘯霖住宅名霖字嘯霖萬曆二十九年進士官御史

本宋趙普府嘉慶初年居人修房創出石碣大街路

東是小山府大門三間牌坊一座上書孝子坊下書

孝子睦梁兩邊黑鹿角鹿角下井一眼府內殿宇華

麗小山故後子睦梁號書亭廬墓三年奉勅建坊睦梁

字仲甫周宗室年六十父母疾躬侍藥糜及卒廬墓感白烏服闋不歸周王屢召始還事聞賜幣旌獎見

府志卷二十七坊西有東帖成衣畫匠磨房許家旌叔得仙

水遁而出許氏子逸其名居宣平坊靈寶東有夏家

衙衙疑卽今河占候官陳理軒東通奶奶廟大街路

西王宅柱史坊爲王霖立路南是文殊寺寺爲信國

公湯和宅舊基

其地當在今街之東去今河道署不遠按今文殊寺街俱回民居住有禮

拜寺寺南牆有刻石

橫書清真寺三字末題萬曆甲

辰冬立紀內不詳

當是自他處移建並移其石於此

又按此篇之末紀

西華門北有云迤西亦有皮局回

子居住有禮拜寺

西鄰玉陽觀今俱無存其處盡爲

廢地文殊寺街之

禮拜寺或河陰王府紅河沿北頭

是自西華門北移

來者與

打飛金爐燒餅轎舖路北校尉營染房西是萊陽王

府打錫衙衙南口西是五府街南頭再西熊家衙衙

南口當舖紙馬舖再西至大店街角

今南書店街北口

又自

大店街往南

今河道東角

有切麵鞦韆鞋成衣東通黃瓜衙

術今訛為黃家胡同有三官廟南是炒米術術今仍按此街舊名當在五

勝角北非今之炒米胡同路西是張平山宅外科裁縫點笙至五

勝角有六陳行折向西有南京大轎花梨木大磁甌

罐各樣京貨劉張高鄉宦宅定秤胡同迤西三井胡

同南口眼藥弓箭雜貨糧食紙馬客寓老鵠宅路南

鵠市齊陰陽胡同西口南通第五巷抵宋門大街

止又自五勝角大街往東即今學院街氈貨作房各色生

意東至火星廟又自大街往南吹鼓手舖鼓樂旗爵

出賃披紅銀花蓋頭等項路西向南是博平王府西

是臨汝王府迤西路南是第四巷又大街路東有皮

場公廟

地即今皮場公胡同西湖志相傳有神張森相州湯陰人縣故有皮場鎮萃河北皮鞞蒸

潰產蠍螫人輒死森時為場庫吏素謹事神農氏禱神殺蠍鎮民德之遂立祠凡疹疾瘍瘡有禱輒應漢

建武間守臣以聞遂崇奉之傍邑皆立廟宋時建廟於汴京顯仁坊向南三間黑大門

匾曰富樂院

今院坑沿街皆其故地俗訛為圓坑沿

內有白眉神等廟

三四所各家蓋造居住欽撥二十七戶隨駕伺候奏

樂其中多有出奇美色妓女善恢諧談謔撫操絲絃

撇畫手談鼓板謳歌蹴圓舞旋酒令猜枚無不精通

每日王孫公子文人墨士坐轎乘馬買俏追歡月無

虛日路西俱是做粧奩床帳桌椅木器等物五彩朱紅描金退光一切賠嫁家火捲態拔絲灰布定做描

金方圓緞盒果桌等盒院角南直抵五龍宮止

卽今宋門內都

宅角正南

五龍宮 又自宋門迤南開天庵門北俱是做燈人

頭耍貨艾虎竈神之類北通曹門一派水波名曰城

河南是石盤衢挨門逐戶生意不斷西至府學宮

在宋門內西北見府志按其地當在今鐵娘

娘廟前有嘉慶年間創出太學石經可証 前有東

西石牌坊二座左書攀龍鱗右書附鳳翼兩馬道口

有小木牌坊二座東是德配天地西是道冠古今中

有櫺星門一座石獅子一對閃牆上左是河出圖右
是洛出書俱是琉璃甃砌就兩邊下馬牌書文武官
員至此下馬路南有天池牌坊一座櫺星門內石子
甬路直至泮池週圍石欄杆向南戟門一座上有豎
牌一面書文廟二字大殿五間

按當是九間

正座夫子左

右四配十哲兩廡七十二賢東是名宦祠西是鄉賢
祠後殿是啓聖祠西鄰是學署大門兩齋明倫堂堂
後敬一亭內有碑記于少保謙撰

碑今無存

有教授一員

訓導四員門斗樂舞生祭器樂器又有宋殘石經碑

一行篆書一行楷書夾行寫碑僅餘一通已殘缺斜

廟前橋東創出移置今府文廟崇聖祠大門落嘉慶年間在鐵娘娘
下可辨者惟上截書禮記檀弓數句而已西有樂

義書院院角富樂儀封王府為盜李鄉宦事發回鳳

陽將此宅賣與都任宅今宋門內都宅角即其地西

是第四巷南口口西是鄢陵王府即七國魏朱亥之

故基再西第五巷南口是張尙書宅按今黃大王門

匾太子太保金陵朱之藩書尙書諱孟男其子民表

字林宗善草書人多難求醉後方書府西是寺橋在

國寺東角即馬道街南口舊名相國寺橋今亡糖果馳名第一高牌紙店光

花雨旱紙傘鑄造生鐵器各省馳名紙紮匠設火喪
舉俱全南通原武府後生意連絡不斷往西路北是
相國寺卽七國魏公子无忌故宅山門五間三空六
開兩稍間四金剛前有石獅一對閃牆匾書大相國
寺唐睿宗御筆山門東西兩石塔各高三丈餘二門
五間內坐四天王大殿地基大六畝三分純木攢成
不用甄灰九明十一暗四六桶扇上蓋一片琉璃瓦
脊高五尺獸高丈許銅寶甃高大無比匾曰聖容殿
元時不花丞相親筆左右兩配殿左有伽藍殿右有
香積廚鐘樓內懸大銅鐘一顆霜天聲聞最遠所謂

相國霜鐘汴梁八景之一也大殿佛像俱是藤胎銅胎又有自來佛不知其數後遺失幾尊餘俱被祥符縣令某寄寓竊去殿內有碑一通上刻張平山畫布袋佛背面觀音菩薩俱李夢陽題讚左國璣書稱為中州三傑殿內東南角有匾一面綠地金字上題西江月一首前四句失記以下是崆峒文驚海嶽國璣

書振天涯平山神畫道子佳中州三傑無價

康熙間相國寺災碑燬於火郭

世寧重刻於城外東南國和寺在今中殿內左側此殿正上六梁前後柱共七十八根結構

奇巧傳為神工中原一寶也東丹墀有宋重修相國寺

碑高二丈餘至道二年翰林承旨宋問撰碑燬無存後有傑

閣三間高四丈周王所建上坐大慈悲菩薩西側立
楊和夫婦卽俗所謂相老相婆也後有地藏王殿五
間再後俱是僧居前後約二三百家每日寺中有說
書算卦相面百藝逞能亦有賣喫食等項僧人專下
過往官員及六商茶客清客等衆社還擺酒接妓歌
舞追歡大門東有老婦人與人洗髮衣服縫纏補綻
燕窩無比往西路南有酒飯店良醫膏藥打印銀鋪
錢桌紙舖代書成衣茶館路北卽祥符縣署各色人
役官房再西是縣角再自西下馬牌往西

按卽今老
府門往西

大路北茶庵竹竿廠迤西通是蕭塔路南有紗帽成

衣畫匠舖汗巾牙子木廠賣白松黃松桃木之類五六

處有史典杖典杖官名住宅旗纛廟街今名旗纛街北頭有甄

橋一空再西帽舖門砌小山子魚鼓之玩再西古董

舖至周府西南角地當在今開封游擊署西口觀音堂路北是保

寧王府西是碾子衙衙內有湯溪王府西是貢院地當

在西門大街有萬厯八年重修貢院碑曹全撰碑已無存

南是府城隍廟東夾道出夾道向西街北是二徐祠

堂祠西鄰張仙廟廟西即府城隍廟照壁鹿角牌坊

大門三間東西角門甬道一門三間東西兩殿內塑
七府並汝州城隍像甬路殿臺俱石欄杆大殿五間
廡山轉角正坐顯聖王明太祖行兵時顯靈佑助勅
封爲承天鑒國司民顯聖王左司右司判後殿如前
蓋造週圍五十四司神籤最靈香火不斷每逢朔望
日大會各處進香擁擠盈門照壁前賣牛馬尾網巾
唐巾等貨牌坊下賣描金彩漆捲胎拔絲等盒帽匠
盃洗舊帽安鞭爪兼補破壞東角門外賣桌椅床橙
衣盆等架大箱衣箱頭面小箱壁匱書櫥一切木器

西角門外賣軒轅鏡菱花穿衣錦背各色古鏡青銅
時鏡粗細芽茶玉容宮皂鹿角外賣錫器各樣走銅
山水器皿等貨兩邊盡是嫁粧之物大小竹貨蓮桶
蓮缸珍寶古玩雜貨攤子大門下賣油筭油饊煎餅
蒜麵扁食油粉酥糖等食物甬道上賣絨線翠花珍
珠珊瑚各樣銀器杯盤零翦紬緞諸樣頭條汗巾東
角門內賣時鮮乾果之類西角門內賣梳櫛竹篋假
銀生活等物二門東角門內擺設名琴古畫犀玉瑪
瑙杯器爐瓶器皿貂鼠海獺虎豹鹿麕狐貉等皮甬

道上賣灌香刷牙篋子舌抵眉掠修補門牙香袋香
筒扇囊盛香等物西角門下賣旗皆是彩帛製的南
絲帶各處汗巾西丹墀賣絨羯氈毯葛夏布疋各樣
鞋舖廟臺上油靴油鞋泥屐雨傘舖臺兒上俱是男
女緞靴月臺上賣各色梭布小機等布東丹墀綉緞
故衣首帕等舖甬路北頭賣筆墨硯臺南京草履週
圍廊下俱是小書時畫聖像故衣竿子賣藥算卦僧
道化緣大門外南抵按察司牆盡是賣果木茉莉建
蘭梔子砂甌砂盆磁繡墩花樽小轎骨花抽挪大轎

十景花盆往南街東小書時畫算卦相面戲術篋頭

修脚之類街西銷金法衣道衣打銀舖二三十家賣

寶器珍珠翠花舖打紅銅各樣器皿直至六府角按

今撫署西角又張仙廟廣生殿門內俱是賣金魚銀魚火

眼三尾魚秧即魚苗汴人呼為魚秧等項魚鮓魚盆鐵篋蟲兜

等物飛禽鳴鳥百靈阜花畫眉黃雀角藍鶻鶻貓犬

之類諸樣絲網鶴鶻哨子明籠竹籠滾籠串袋等物

至六府角往西六府角即今城隍前街南口正對半截街即其地染房永寧

王府即今按察司署國朝順治元年就府基建大道宮乾隆時復改為按察司署移大道宮於南

再西有皮局今仍舊名硝熟各樣皮張俱回回居住有禮

拜寺向南牆上有姜太公廟往北饗堂門口今仍名饗堂街

有宋國公馮勝祠西是陳鄉宦宅再西是魁星樓自府

城隍廟迤西是縣城隍廟舊在城南奉神岡萬曆四

十年始移建城內西鄰濟瀆廟再西是楊家衚衕即楊

時寧家邑志有傳有向南小觀音堂西岡讀上聲上房俱是私

科賃住口西有修補角燈小舖再西有靜一打銀店

專一打龍鳳花草山水人物瓮嵌纍絲乾帖真金管

化十成迤西是楊宅原任三邊總鎮三賜玉帶再西

是上洛府角向南上洛王府即今城隍廟西街今街以西猶名洛府街俗訛

為羅府街西是順發王府後改為安鄉王府北通大爪隅

頭今西門內關廟西牌坊前十字口路西城市丹邱乃上洛府山莊

其中山景非凡猶如仙山雅趣異常文墨詩讚更多

纂書一部二册名曰好我篇路東是宏文書院上洛

府西仁義衙衙在今西門內向南仍舊名南口往西數步折而南

即弓箭衙衙今其地猶名弓箭街燒酒衙衙南口西抵大城南

通夷山郡止宏文書院南魁星樓西朝南是縣學宮

即宋雲老寺故址見明劉昌修學宮碑記內有天順六年重修學宮碑提

學道劉昌撰又有嘉靖三十七年重修碑巡撫章煥

撰碑俱無存南有印池石橋四面皆水有泮池石欄杆殿

宇廊廡與府學宮同學署前有接骨龐家安牙骨上

膀骨跌打損傷藥到病痊只此一家西是縣學西角

北通小瓜隅頭在今西門內仁義胡同北口南通席店街今仍舊名又

丁家角在今按察司署西仍舊名往南馬軍橋東通靜安街今仍舊名

南是大道宮角大道宮鐵鐘明正德己巳年鑄今尚存往東是呂御史

街今誤傳為玉石街街中南小巷有海潮庵路北是三官廟

西頭路南有關帝廟廟後是河波往西路北是提學

道署西鄰勅賜大道宮內有關帝畫像讚碑左國璣

撰並書背面張平山畫真武像亦左國璣題讚嘉靖

癸巳劉佩立石

碑移在今館驛街關廟

三月三日大會北直山

東朝武擔此爲第一宮修醮打齋香火不斷西是許

真君祠八蜡廟兩傍俱是篋子舖做毛竹篋子馳名

進香者多在此買篋子正西朝東是洪山廟

今名洪山廟街

廟後牆迤南大井南有靈官廟城根一帶婦人俱鎖

雲頭做各樣名鞋宮前俱糊金銀打絨線賣紙馬喫

食大小生意不斷三官廟左近抵河波方圓人家俱

做布鞞紡線結殼兒捏狄髻其大街小巷不記其數

俱是小生意再自大街貢院迤西

此西門大街

內鄉王府

是上十王府有四門九釘九帶門前是廚役市凡有

酒席來此招顧西是安昌王府

今為安昌府街

有各樣舖面

小機布店染房漂白粉房做餚火打銀罐西鄰京山

王府前通是六陳行賣買日夕不斷關王廟前菜

市肉菜俱全往南酒飯店紙紮匠陰陽局當舖上洛

府角西小隅爪頭南仁義衚衕弓箭衚衕臨門大小

生意擁擠不動官廳南打造盔甲什物槍刀劍戟諸

樣兵械南夷山郡直抵西門止又自西角樓往北東
是蕭牆至西華門有汗巾齊家香舖各品沈檀素香
各省馳名閭儀賓府王戚內相外宅和尙心燈香舖
千佛堂北是西華門貿易不亞大隅首買辦粧盒進
上皆在此爲東華門不開西華門熱鬧北是八府園
五道街第一道有觀音堂關王廟北頭淨土庵鹽神
廟東通後宰門盡是鹽地第二道街內是機房所織
花素生縑烏綾包頭秋羅長絹護領等貨有三皇廟
一座迤西三街都有廟宇大小生意亦有皮局回子

居住有禮拜寺西鄰玉陽觀卽楊六郎宅址再西是
五瘟廟廟西水坑內有古鐘僅露鐘鈕掘之不能出
俗傳爲楊府聚將鐘西鄰孝嚴寺宋太尉楊業故宅
業死節朔方其子彥昭請改建爲寺追薦其父太宗
賜名爲孝嚴寺內有萬曆乙丑年重修碑記周藩國
王撰許時中書道光二十一年黃河圍汴因拋軌護
城毀碎幸未投之於水近僧人復用
石灰粘合爲一寺前俱是醋作房各樣醬菜發行西抵石井
河河西城牆大街小巷王府鄉紳牌坊魚鱗相次滿
城街市不可計數勢若兩京

關廂紀

汴梁五門五關廂麗景門外弔橋下有過客店竹竿
行羊毛行皮店東有朝西玄帝廟路南關王廟社稷
壇北有棗園古井一眼味甘且清關南一帶俱是燒
甄瓦窰做甄瓦獸頭鴟尾勾簷滴水獅子巴甄琉璃
等貨東至陽正門止南薰門外弔橋下迤南酒飯店
雜貨紙張等舖過客店排門挨戶生意不亞城內東
有應城府花園內有荷花池池中有亭園中遊玩之
處極多名人詩讚牌匾無數往南路西有周王碗店

乃神后磁器碗盞周王按節迎節在此治酒更衣卽
爲行宮路東是校場西轅門正東朝南演武廳左有
將臺南有大照壁東有關王廟廟後有營房百十餘
間南有千柳園再南抵土城校場東是國相寺俗名
繁塔寺其塔最大一輒一佛明初折毀止遺三層內
空虛如天井向南大洞內供佛像前有大殿兩禪室
僧衆居住西有白雲寺又有中山武寧王祠祀徐達
常遇春李善長沐英劉基馮勝湯和胡大海鄧愈李
文忠西南是保母墳周府老死宮人葬此塔後朝北

有玉泉書院亦名九仙堂係分守大梁道王瑛所建
內祀兩程夫子前有照壁鹿角閃牆大門甬道二門
角門內有大堂臺榭橋梁自高而下俱立輒爲細磴
勢落山嶺清幽雅趣後有高閣上塑八仙並王公爲
九位故名九仙堂塔後有井一眼水極甘潔名玉泉
故書院以玉泉爲名迤東有古吹臺昔師曠曾在此
審音故名吹臺舊祀碧霞元君呼爲二姑臺後改祀
禹王爲禹王臺祀碧霞於禹王宮後正德十一年巡
按毛公至謂祭非其鬼撤去碧霞元君改祀唐李白

杜甫高適爲三賢祠並自撰碑記其事

碑今無存臺側有

李空同別墅舊址每遇清明端陽城內王孫公子擔

榼携酒在此踏青遊玩郭外一景也仁和門外弔橋

下有井一眼善煮豌豆餡又有井泉水味各不同有

棉花市鮮果行東有朝西關帝廟後有琉璃饗堂是

陳留王墳內僧人焚修東北抵山藥園止大梁門外

西關是建隆廂乃義定坊有城一座亦有五門南曰

南門又有小南門西曰新鄭門

通新鄭故名

是水門北曰

迎恩門東門對大梁門東門內往南順城小巷往北

是解寨寨北舊有萬人坑因作崇建小廟鎮之北俱是菜園大街正西路南是孝義巷又名社學衙街南通內宮墳柏樹極多每年正月十六日居人多在此灸樹謂之灸百病有井一眼專燻金子首飾闔城銀鋪俱來此取水用大街往西路北是竹竿巷內有三靈侯廟其神最靈後俱是菜園再西是延賢儀館兩廂挨門俱是生意五更時鮮菜成堆擁擠不動俱有販者來買燈下交易城門開時塞門而進分街貨賣街北香燭紙馬雜貨糧食酒肉館鋪大鹽店數座西

至丁字街向南岳王廟正南雜糧坊子馬市街早晨
牛驢上市午間騾馬上市有過客買賣騾馬大店顧
寫脚力此處是八省通衢之地故大店有三五十座
內住妓女無數兩邊生意挨門逐戶按院決囚卽在
此地正南路東石牌坊東是井兒衚衕西邊盡是居
民內有細樂小優兒居住東頭朝西奶奶廟向南大
王廟關王廟巷內白眉神廟又是雜糧坊子南是金
梁橋橋西是宋孟元老故宅遺址南通小南門街西
是陝西街路南是王百川衚衕西鄰養濟院路北是

豆芽衢西新鄭門外朝東三娘娘廟西直通土城
止又自丁字街往西朝東三聖堂祀觀音大士義勇
武安王清源妙道真君南有木炭廠往西路北是宋
家衢衢正西新大梁驛西是寶相寺俗呼大佛寺有
三清殿西至土城再自三聖堂往北向南二郎廟廟
門前坐東朝西烈女祠三間可間供凡三張上安可
几長靈牌三架五分大字書滿一省烈女節婦春秋
勅祭此祠是隆慶三年巡撫栗公巡按楊公建吳道
直撰碑碑今無存往北路西玄帝廟關王廟通迎恩門外

往西路北是孤魂壇西是無梁廟奶奶廟北是三山

坡乃宋時教軍之場俗傳下有地道通城內遇行兵

時從地道出往北俱是葦坡直抵土城固子門今其地猶

名固蠍子門即萬勝門止又自安遠門外弔橋下兩

廂俱是旅店鹹店北頭坐北朝南關王廟最靈北有

大墩東北是天王寺亦有僧眾焚修大梁野乘雲居

定王出獵僧坐不起王怒鞭其面火出王異之歸設

齋遣官往請僧曰少候洗面即行頃謂官曰為我謝

王我已赴齋矣官不信僧袖出一蒸食為驗官報王

王視之果席中物再往召莫知所向因捐金廣其居

重修藏經閣碑左國璣書道光二十一年俱沒於水土城角有鐵

犀一隻于忠肅公製犀背有忠肅公銘在今城外東北鐵犀廟俗

呼為石碑一通上鑄山水二字大約四尺字畫深五鐵牛

寸許坐南向北取鎮壓黃河碑今無存又有各府鄉宦花

園書院玩賞之處不能枚舉大劫已過今又復興略

有起色恐後人不知舊京之繁華故略錄之

小市紀

五門所進柴草灰煤石炭木炭諸色菜蔬大小米綠

豆等擔大小水車土車膠泥又各口有貨郎賣白布

花素生縑青藍布小機包葛絨羯氈毯各色夏布綿

紬山縑又有驚閨

二寸餘長方鐵板八片綴以皮條手提搖之聲聯絡作響所以驚閨

中婦女也

驚繡

形如小播鼗鼓賣花線所執者

洗鏡定剪磨刀補鍋定盤

定碗定秤張羅劈柴鋤草鞦鞋拴菜鞍架等扯絡鞭

子又有炒栗蜜果十香茯苓饅燒雞鴿鷓皮鮓雞鮓

瓜子鹹豆猪頭熟貨牛羊驢肉車各色果品諸樣瓜

瓠上元之時百般花燈燈人元宵小娃春間來賣諸

色野味穀雨時賣穀帖天中時賣天師艾虎硃砂雄

黃鮮艾菖蒲油餛飩粽子百鎖排線五六月賣老鴿扇

響竹涼枕蒲席各處暑扇葛巾西瓜甜瓜山藥蓮藕
中元節賣燒紙金銀中秋節賣石榴毛栗梨桃各樣
鮮果祭品等物九月重陽節賣菊花花餅十月朔旦
經盤寒衣臘月請竈神黃錢弔麻百事大吉葫蘆匙
兒門神對子青松石竹香蝦蟇蠟簽瓦香爐蠟臺發
麵酵子綿紙毛紙大鹽小鹽芥末薑蒜各品乾果茶
食盤餛綿布手巾綿線帶子通草花兒五彩絨花兒
剪裁零碎故衣竿子跨護領箭綾羅緞絹頭條牙子
綾紗護領挽袖眉柱焯燈盤香羊油燭百草疼痛膏

藥平時又有占課相面算卦瞎子女先彈唱僧道遊
食筆墨書客遊學述之不盡

試院紀

周府西角樓西路北碑坊一座上書貢院二字東西
有過街坊東坊書虞門四闢西坊書周俊同登大門
三間三開匾曰開科取士門內有搜檢房二門東西
兩角門三門三開北有木坊上書龍門二字東西文
場號房三千六百間後不敷用每號頭增添板號二
間院中有明遠樓四角有瞭望樓北是至公堂東有

皂隸各役房及內供給房西是廚房鍋爐不可計數水池俱是錫鑲至公堂後東是監臨察院西是提調官衙後是受卷所彌封所謄錄所對讀所正北是文衡門聯語云場列東西兩道文光直射斗簾分內外一毫關節不通風大學士楊士奇書門內俱是經房後正副主考住房是五星聚處每科修葺畢驗號一遍有酒席臨考前一日先放老軍四千各認其號至日按院在三門上坐點名士子入場散題次日辰時放飯大米飯細粉湯竹蘿盛飯木桶盛湯飯旗二面

前走湯飯隨後自西過東由至公堂前擡走正行之
際曉事吏稟老爺抽飯嘗湯遂各盛一碗按院親嘗
可用始令放行至月臺下一旗入西文場一旗入東
文場至三門二旗交過堂上一聲梆子響各飯入號
散與士子食用次放老軍飯俱是小米飯冬瓜湯一
樣散法按院不復嘗午間散餅果向晚散臘燭三場
畢揭曉榜張布政司署前新舉人八十六名齊集府
城隍廟同至貢院前領衣帽進至公堂簪花披紅鼓
樂送至府學謁文廟畢同至布政司二門外東棚下

赴鹿鳴宴高結彩棚內懸一軸宴圖依次歸坐開宴
正副主考按院俱是連十司道舉人俱是連五其餘
小官俱是連三宴畢官馬鼓樂彩旗四面彩樓一座
捷報牌一面文魁牌一面紅絹綠邊金字文元軟牌
一面青絹傘一柄朱紅匣一個銅鎖內銀八十兩杯
盤席面遣人分送至寓所衆舉人復約分資送至祥
符縣令代辦酒席於九月九日齊至鐵塔寺登高會
同年畢送主考回京武科在都司署前張榜武舉六
十名取齊領衣帽謁武廟至都司堂行禮赴鷹揚宴

席是連三給銀二十七兩文武兩科並鹿鳴鷹揚等
宴共煩四百三十行總行頭趙世讀有冊可證

節令禮儀紀

年時有天地神棚家堂神聖供養祖先門神春聯黃

錢弔麻百事大吉鍾馗富炭擋衆木

在房門外千斤石在天

地棚前

蒼朮煇歲圪塔避瘟丹芝麻稗撒歲

散置院中火炮

驚瘟蒸食肉菜果品等儀正旦國王率諸王宗人儀
賓文武官員於承運門拜萬歲牌禮畢轉存信殿受
朝朝畢賜宴此後諸王貴戚輪流治酒宴會月無虛

日民間亦相與賀節交拜筵宴又自初一日後赴相國寺蕭牆街聽談古說因果遊樂兒童又有投核桃擲錢之戲初八日赴東岳廟進香遊玩俗以此日爲五閻羅誕辰竟日人烟繁盛初九日以後俱赴上方寺携榼擔酒或在樹陰或在禪室或五柳亭或塔左右暢飲謳歌打謎猜枚行令折牌道字頂針續麻絲竹管絃聲盈耳或於臺下走馬射箭亦有酒飯茶湯舖亦有戲棚雜耍又有雜貨耍貨終日遊樂至暮方散至迎春日內官宮眷俱著錦衣繡裳簇擁王駕上

紫禁城閱春春臺春樓如一片花繡從麗景門進每巷口三砲莊農毛女百二十行扮作各色雜劇府官押春至周府門由東空而進春牛由中門進俱至紫禁城下自東過西各獻技能討賞城上隨駕宮眷柳綠花紅絢滿城頭亦有拋擲花枝令下邊人搶奪上邊嬉笑者閱畢春復由西空而出宮眷歸內府官及各廳進朝領宴宴畢簪花而出復押春向撫院兩司各署閱畢置春牛於府儀門外東棚下牛頭向西前設香案至立春時闔府屬官齊至拜畢官轉三遭各

擊三杖然後廝役亂打又迎春日男女看春各戴春花春雞蝴蝶之類充衢溢巷擁擠不動王府軍門俱延客賞春至十五日上元佳節又名元宵節周府菜園內紮架鰲山高結彩棚遍張奇巧花燈不啻萬盞輝煌炫目有如白晝下依松柏栽就竹竿紮成九曲黃河王駕遊河細樂滾燈導引提爐香盒王乘小輦遊出宮門諸王國戚隨後遊畢登山鋪氈結彩迎接諸王國戚登山陪王宴飲轉番遞酒鼓樂喧天

周府舊有

勅撥御樂男女皆有色長其下俱演吹彈七奏舞旋大戲雜記女樂亦彈唱官戲宮中有席女樂伺候朝

殿有席只扮雜記吹彈七奏不敢做戲宮中女子也學演戲是夕絲絃競奏舞旋

扮戲弔對倒喇胡樂熱鬧非常又烟火架上安設極巧故事縱放走線兔子有火盞火傘火馬火盆砲打襄陽五龍取水牌坊等名花砲聲震耳諸王府鄉紳家俱放花燈宴飲各家共有大梨園七八十班小吹打二三十班各街廟宇俱有燈棚各家俱放花燈門前俱點門燈爭放花砲鐵塔上遍點燈盞一次用油五十餘斤遠望有如火龍兩學宮前俱有高照花燈花砲起火水兔子入水穿波隨風趕人有賽月明高

處嚮砲下垂拘攣九條龍取水九轉高陞各樣奇巧
遊人或携酒鼓吹施放花礮或團聚歌飲打虎裝象
琵琶隨唱胡抱倒喇街中男婦成羣逐隊至二更巨
室大家宅眷出遊僮僕執燈侍婢妾媵冉冉追隨徘徊
星月之下盤桓燈輝之中低言悄語嬉笑嚶嚶閃
閃灼灼遊走百病相將過橋俗云過橋不腰疼如此
三夜金吾不禁任意遊樂有捕官鎮守差役巡邏直
待殘月西沉夜闌人散方各自歸家節禮追望內用
元宵一品卽湯圓也南北果品表裏貧富任用王府

鄉紳士庶人家各設酒款客玩賞元宵各街俱有燈
市自初十日開市出賣各樣奇巧花燈亦有紗人耍
貨鋪面鋪設至一二里花賞蠟梅蘭花香藍水仙二
十五日天倉小節二月初一日中和節祭日光次日
俗爲龍抬頭之時延客吃龍鬚麵節禮送麵及果品
肉菜之類十五日花朝節花賞碧桃紅梅瑞香月季
薔薇茶蘼迎春丁香紫荊等花三月初三日大道宮
大會說已見前至清明之日王宗鄉紳士庶人家各
備香燭紙錠祭品上墳拜掃添土轎馬車輛載道男

婦携幼盈野亦有提壺借友郊外踏青至晚方折柳
攀花桃紅柳綠街如軟繡至二十八日東岳廟大會
出賣貨物與城隍廟同送禮用酥餅饅頭南北果品
五色糖確薄荷扇兒歡喜團兒北到板糖甘蔗荸薺
金扇香囊排草零陵各品合香堆紗人物紙做粉盒
上坐粉貓仙女紗羅貧富任用至四月初八日浴佛
節施米打齋僧尼領去煮粥齋衆花賞櫻桃芍藥牡
丹玫瑰海棠萱草木槿至五月初五日端陽節地臘
之辰門懸艾虎插彩艾菖蒲供雄黃酒茱萸蒲酒用

硃砂雄黃點小兒耳及口鼻以避五毒吃角黍與油
餛臠肉雞魚開罈豆頭備瓮菜馨送禮用角黍油餛
南北果品糟魚時魚麻姑瓶酒追望女家紗羅小戶
用紅黃夏布紗扇汗巾巧做各樣戴器皮金小符五
毒大符小兒百鎖陶線絨纏背牌五色綵線細手及
膝戴五毒花飲雄黃酒官員公宴玩賞荷花校場結
彩棚請二司漁武廳設筵中三路高結綵牌上書穿
楊奪錦下懸籠鴿走馬飛射中者鴿子騰空任人選
能俱有賞號亦有携酒赴繁塔寺禹王臺九仙堂各

處遊宴花賞芰菱荷花玉蘭榴花茉莉玉簪水紅木
香鐵角海棠翠鵝眉百日紅諸花名至六月初六日
乃天貺節吃炒麵免病日七月七日道德臘之辰俗
以此爲織女會牽牛婦女望空禱祝穿針乞巧中元
節上墳祭祖追薦先靈放河燈救拔溺死鬼魂花賞
秋海棠紅茉莉等花至八月十五日中秋佳節祭月
光家家虔設清供月餅西瓜素餚果品毛豆等類請
客飲酒名曰西瓜會婦女賞月觀星朝天禮拜焚化
金錢寶馬楮信凡儀祈懇年年此日雙清節禮用月

餅西瓜鮮果鵝鴨肉肘追望閨女家紗羅貧富不一
花賞芙蓉月季水紅茉莉至九月初九日重陽佳節
各家俱蒸發麵花饅登高宴客玩賞叢菊禮物隨時
備辦至十月初一日民間歲臘之辰家家上墳脩紙
錢金錠寒衣祭品等物花賞茶蘼虎蹄梅花至十一
月冬至節一陽生時食扁食朝賀送禮與年節同花
賞凍菊梅花後逢三戊是王侯臘以上各臘俱天赦
之期理宜祭祖十二月初八日俗呼臘八及佛誕之
期施米打齋與前同大小人家俱煮果粥謂之臘八

粥以應節氣至年近送禮薄厚不等二十三日竈神

奏天之期禮宜祭祀王用猪羊遣典膳官祭鄉紳士

庶用三牲或刀頭供獻

猪肋肉重三斤俗名刀頭

祈訴祝禱以後

俱辦年設供待度新歲又清明中元十月朔俱是鬼

節預先請城隍行神至孤魂壇請府城隍西門外孤

魂壇請縣城隍宋門外孤魂壇僧道發文設壇禮懺

誦經薦拔一切孤魂伏乞顯聖尊神傳諭遠近地方

枉死冤魂至期赴壇聽宣法言早登淨土免墮幽冥

施食畢各官回衙衆會預修旗幡法駕文武儀杖勅

印等物提爐香盒龍燈高照擺列隊伍傳鑼清道大
吹大搗細樂喧天送神歸廟三年會滿將燈幡旗號
焚燒歸家治酒酬謝香頭縣城隍亦如之又城內各
廟會場搭臺演戲建醮修齋大街小巷按時不斷如
此繁華被水衝頽無復形迹周府宮闕一旦折毀俱
爲瓦礫之場荆棘叢生蘆葦滿地百花園俱爲牧場
松柏果木任人戕伐令人見之無不仰天長嘆潛然
淚下目不忍覩大木梁檁解上琉璃甃瓦小木入官
變價暗地侵漁一物無存止遺紫禁城一座石獅鐘

鼓二樓閣廟現存者寺有祐國寺卽上方寺香山寺

相國寺臥佛寺觀音寺龍華寺清風寺國相寺卽繁

塔寺白雲寺鐵佛寺華嚴寺寶相寺孝嚴孝大佛寺

天王寺綻梅寺

在南門外今訛為寨門寺

千佛寺回靈寺禮拜寺

廟有三皇廟玉皇廟日光廟星君廟府城隍廟縣城

隍廟泰山廟玄帝廟濟瀆廟關聖廟二仙廟梓潼廟

三靈侯廟武廟旒纛廟東岳廟五瘟天仙回龍大聖

文武二廟閻王八蜡三官姜太公皮場公大王洪山

玄壇岳王等廟土神三神鹽神獄神院中白眉神宮

中罕神庫神財神祿神機神等廟觀有三清延慶玉
陽等觀宮有大道五龍等宮泰山行宮玄帝行宮堂
有觀音呂公延壽慶安白衣老君三聖安樂萬壽等
堂閣有玉皇觀音梓潼等閣樓有鐘鼓魁星明遠瞭
望旣濟避水廣嗣等樓庵有呂祖水月海潮開天總
聖等庵其書院有玉泉東坡樂義西亭南浦宏文等
院祠有土地張仙十賢包公少保信陵許公張公五
公烈女等祠壇有天地社稷孤魂等壇如此光景豈
可泯沒是以造成一冊不辭瑣碎詳細開載使後人

